

**(ciep banj 6)**

It, Gyarengz aeu cidu daeuj baujchang yinzminz danggya guhcawj. Haigvangq diuz miengloh minzcu, gyalai gij yienghsik minzcu, saedbauj yinzminz ciuqfap doenggvaq gak cungj miengloh caeuq hingzsik bae guenjeleix hongsaeh guekgya, guenjeleix ginghci caeuq saehnieb vwnzva, guenjeleix hongsaeh ndawbiengz. Haeujcoengh caeuq baujcingq yinzminz doenggvaq yinzminz daiqbiuj daihhoih hengzsawj gienzlig guekgya, laebcaez aen gunghcoz gihci dingq yigen yinzminz, comz dungxcaiz yinzminz, laeb ndei giz lienzhaeh caengzgiek laebfap. Gyalag gajgwz caeuq guh ndei gunghvei, gungcinghdonz, fulenz daengj ginzdonz cujci, hawj gyoengqde lumj diuzgiuz diuzsai nei langh rengz okdaeuj. Seizseiz aeu byaij diuz roen fazcanj vunzgienz Cungguk, lailai caeuqfaenh daengx seiqgyaiq ceihleix vunzgienz, doinyoengx aen saehnieb vunzgienz cienzmienh guh baenaj.

Ngeih, Cienzmienh hwngfat yiengh minzcu doxyaeng. Daengxbuenz maeuzveh doicaenh cwngdangj doxyaeng, yinzda doxyaeng, cwngfuj doxyaeng, cwnghaz doxyaeng, yinzminz donzdij doxyaeng, caengzgiek doxyaeng caeuq sevei cujci doxyaeng, laebcaez gak cungj bingzdaiz doxyaeng miz cidu hanhhaed haenx, doicaenh yiengh minzcu doxyaeng hwngfat engqgya gvangqlangh, lai caengz, baenz cidu. Dawzmaenh caeuq laebndei aen cidu lai dangj doxgap caeuq cwngei doxyaeng youz Cunghgoz Gungcanjdangj lingjdauj haenx, caezcienz gij cidu gihci yinzminz cwnghaz guh minzcu gamduk caeuq vejyenz lienzhaeh gyoengq ginzcong gyaiqbied.

Sam, Lai bae hwngfat yiengh minzcu caengzgiek. Laebcaez gij cidu diji caeuq gunghcoz diji caengzgiek cigsoh minzcu. Laebndei aen cidu goenghai banhsaeh, haigvangq diuz miengloh hawj gak gyoengq caengzgiek ndaej miz bouhloh bae caez ceih caengzgiek, baujchang yinzminz ciuqfap guenjeleix gij hongsaeh vunzlai caeuq gij saehnieb goeng' ik caengzgiek. Laebcaez gij cidu minzcu guenjeleix doengh aen giyez swyez danhvei aeu cizgungh daiqbiuj daihhoih guh hingzsik giekbong haenx, henhoj gij gienzik habfap gyoengq cizgungh.

Seiq, Gyamaenh caeuq hwngfat aen gyaezguek dungjyiz cansen ceiq gvangqlangh haenx. Laebndei aen buenz hong daih dungcan, gaemmaenh daih doxgiet daih lienzhab, dungyenz daengxcungq lwglan Cunghvaz hopheux guhbaenz aen loqsiengj Cungguk Cunghvaz Minzcu fukhwng hungmbwk itheij naemj, itheij guh. Hawj gijndei yiengh cwngdangj cidu moq sevei cuji guek raeuz ndaej fat okdaeuj, lai roengzrengz caeuq minzcu dangibai nem gij vunz mbouj haeuj dangibai de doxgiet gapguh. Aeu couqmaenh gij eiqsik Cunghvaz Minzcu ranz vunz ndeu guh cawjsienq,

gyarengz caeuq gajndei gij hong minzcu Dangj raeuz. Dawzdingh aen fuengyiengq cunghgyau guek raeuz caeuq gij saedsaeh Cungguk dox giethab, lai bae dazyinx cunghgyau caeuq aen biengz sevei cuji dox hab' wngq. Coicaenh gij ginghci mbouj dwg gunghyoujci de cangqheiq hwngfat caeuq doengh boux guh gij ginghci mbouj dwg gunghyoujci de cangqheiq hungmaj. Gyagiengz caeuq gajndei gij hongsaeh nangqdaengz vazgyauz, giet baenz nga rengz hung itcaez vih minzcu fukhwng bae okrengz.

Siz Ginbingz daegbied gangj daengz dawzdingh cienzmienh ciuqfap guenj guek, coihawj hwnqguh aen Cungguk fapceih caiq guh baenaj

Siz Ginbingz youq ndaw aen baugau Ngeihcib Daih daegbied gangj daengz, dawzdingh cienzmienh ciuqfap guenj guek, coihawj hwnqguh aen Cungguk fapceih caiq guh baenaj.

Siz Ginbingz vixok, cienzmienh ciuqfap guenj guek dwg ciengz gwzming laegdaeuq mizgven ceihleix guekgya ndeu, gvanhaeh daengz Dangj gaemgienz hwng guek, gvanhaeh daengz lwgminz vuenyungz an' onj, gvanhaeh daengz Dangj caeuq guekgya ciengzgeiz andingh. Itdingh aeu doenggvaq fapceih engq ndei bae bauj ndaej maenh goekgaen, onj yawhgeiz, ik gyaeraez, youq gwnz roenloh fapceih cienzmienh hwnqguh aen guekgya sevei cuji yendaiva.

Siz Ginbingz daegbied gangj daengz, raeuz aeu dawzdingh byaij diuz roen fapceih sevei cuji miz gij daegsaek Cungguk, laebguh aen diji fapceih yiengh sevei cuji miz gij daegsaek Cungguk, hwnqguh aen guekgya fapceih sevei cuji, hopheux baujchang caeuq coicaenh ndawbiengz goengbingz cingqngieih, dawzdingh doengzcaez doicaenh ciuqfap guenj guek, ciuqfap gaemgienz, ciuqfap hingzcwnq, dawzdingh doxcaez hwnqguh aen guekgya fapceih, aen cwngfuj fapceih, aen biengz fapceih, cienzmienh doicaenh gohyoz laebfap, yiemzgek caepfap, goengcingq dawzfap, bouxboux soujap, cienzmienh doicaenh guekgya gak fuengmienh hongsaeh ciuq fap bae guh.

It dwg caezcienz aen diji faplwd sevei cuji miz gij daegsaek Cungguk aeu yenfaz guh goek haenx. Lai roengzrengz saedhengz yenfaz caeuq doiq neix guh gamduk, laebcaez gij cidu diji baujcwnq yenfaz ndaej cienzmienh saedhengz, gyagiengz gij lingjyiz cungdenj, gij lingjyiz ngamq hwng, gij lingjyiz nangqdaengz guekrog de laebfap, doengbuenz maeuzveh bae doicaenh gij fapceih ndawguek caeuq gij fapceih nangqdaengz rogguek, doicaenh gohyoz laebfap, minzcu laebfap, ciuqfap laebfap, doengbuenz maeuzveh bae dinghlaeb, coihgaij, feiqcawz, cekgej, biensij faplwd, hawj laebfap engq baenz hidungj, engq baenz cingjdaj, engq dox boiqhab, engq miz seizyauq.

Ngeih dwg netsaed doicaenh ciuqfap hingzcwnq. Cienjbienq gij ciznwnqz cwngfuj, gajndei gij cizcwz diji caeuq gij cujci gezgou cwngfuj, doicaenh gihgou, ciznwnqz, gienzhanh, bouhloh, cwzyin hab fapdingh bae, hawj hingzcwnq engq miz yauqlwd caeuq engq ndaej vunzlai saenqnyaemh. Gyalag gajgwz gij diji hingzcwnq caepfap, cienzmienh doihaeuj gaiq hong yiemzgek gveihfan goengcingq vwnzmingz caepfap, gyarengz youq doengh aen lingjyiz youqgaenj nangq daengz leih' ik henzdang ginzcong haenx caepfap, caezcienz gij bouhloh hingzcwnq caepfap, laebcaez gij biucinj hingzcwnq buenqgiet cawqfad.

Sam dwg yiemzgek goengcingq dawzfap. Gyalag shwfaz diji cunghab boiqdau gajgwz, cienzmienh cinjdeng doeksaed aen cidu doekdingh cwzyin shwfaz, gyavaiq cauhaeb gij shwfaz cidu sevei cuji goengcingq, yauqlwd sang, miz gienzvi haenx, roengzrengz hawj yinzminz ginzcong youq moix aen shwfaz anqgienh ndawde raen daengz goengbingz cingqngieih.

Seiq dwg gyavaiq hwnqguh aen biengz fapceih. Hwngcienz gij fapceih cingsaenz sevei cuji, cienzciep gij faplwd vwnzva conzdungj maenhndei Cunghvaz, dazyinx daengxcungq yinzminz guh boux cungsad aeueiq, boux gagrox ciuqsouj, boux giendingh henhoj gij fapceih sevei cuji. Hwnqguh aen goenggungh faplwd fugsah diji hab yienhdaih guenj doh hawsingz lajmbanj haenx, haeujlaeg bae guh fapceih senhconz gyauyuz, hawj vunzbiengz bouxboux lai rox fap souj fap. Langh ok gij cozyung lingjdauj ganbu daiqdaeu guh yienghndei, roengzrengz hawj daengx biengz hwnghwnj yiengh funghieq gingq fap hag fap souj fap yungh fap.

Siz Ginbingz daezok, doihaeuj vwnzva gagsaeng gag' ak, hawj yiengh vwnzva sevei cuji caiq couq baenz ronghlwenq moq

Siz Ginbingz youq ndaw aen baugau Ngeihcib Daih daezok, doihaeuj vwnzva gagsaeng gag' ak, hawj yiengh vwnzva sevei cuji caiq couq baenz ronghlwenq moq.

Siz Ginbingz vixok, cienzmienh hwnqguh aen guekgya sevei cuji yendaiva, bietdingh aeu seizseiz byaij diuz roen fazcanj yiengh vwnzva sevei cuji miz gij daegsaek Cungguk, lai gagsaeng vwnzva bonjfaenh, hopheux yaengx fangeiz, comz simvunz, ganq vunz moq, hwng vwnzva, baij yienghsienq bae hwnqguh aen guekak yiengh vwnzva sevei cuji, fazcanj yiengh vwnzva sevei cuji yiengqcoh yendaiva, yiengqcoh seiqgyaiq, yiengqcoh daengzcog, youh dwg gij minzcu, hab gohyoz, vih vunzlai haenx, gikfat gij rengzhoengh cauhyu cauhyu moq vwnzva daengx minzcu, gyaak gij cingsaenz ligliengh guhbaenz Cunghvaz Minzcu fukhwng hungmbwk.

(cienj banj 8)